



Gwasanaeth Llysoedd  
a Thribiwnlysoedd EM

FGM700

## Gorchmynion Amddiffyn rhag Anffurfio Organau Cenhedlu Benywod (FGM)

Sut y gallant fy amddiffyn?


Mae'r daflen hon yn disgrifio sut y gallai Gorchymyn Amddiffyn rhag FGM eich helpu os ydych yn pryderu oherwydd eich bod chi, neu rywun rydych yn ei adnabod, wedi bod trwy neu mewn perygl o fynd trwy FGM. Mae'n esbonio pwy gaiff wneud cais am orchymyn, yn disgrifio'r hyn mae angen i chi ei wneud ac yn dweud beth fydd yn digwydd wedi i'r llys gael eich cais.

## **Beth yw FGM?**

Mae Anffurfio Organau Cenhedlu Benywod (FGM) yn golygu pob gweithred sy'n cynnwys cael gwared â rhan neu'r cyfan o'r organau cenhedlu benywaidd allanol neu anaf arall i'r organau cenhedlu benywaidd am resymau anfeddygol. Nid oes unrhyw fanteision iechyd iddo ac mae'n niweidio merched a benywod mewn sawl ffordd. Mae'n golygu niweidio a chael gwared â meinwe organau cenhedlu benywaidd iach a normal, ac felly mae'n ymyrryd â gweithrediad naturiol cyrff merched a benywod. Mae'r arfer yn achosi poen difrifol ac mae nifer o ganlyniadau uniongyrchol a thymor hir iddo, gan gynnwys anawsterau wrth roi genedigaeth - sydd hefyd yn rhoi'r plentyn mewn perygl.

Ceir nifer o enwau am FGM, gan gynnwys "torri organau cenhedlu benywod", "enwaedu" neu "derbyn". Mae'r oed pan fydd FGM yn cael ei gyflawni ar ferched neu fenywod yn amrywio'n sylweddol yn ôl y gymuned a gallai ddigwydd yn y DU yn ogystal â dramor. Gallai'r weithred ddigwydd pan fo merch newydd gael ei geni, yn ystod plentynodod neu lasoed, ychydig cyn priodi neu yn ystod beichiogrwydd cyntaf. Fodd bynnag, credir bod y mwyafrif o achosion yn digwydd rhwng 5 ac 8 oed ac, felly, mae merched yn yr oedran hwnnw mewn mwy o berygl.

Mae FGM yn anghyfreithlon yn y DU. Yng Nghymru, Lloegr a Gogledd Iwerddon, mae'r arfer yn anghyfreithlon dan Ddeddf Anffurfio Organau Cenhedlu Benywod 2003, ac yn yr Alban mae'n anghyfreithlon dan Ddeddf Gwahardd Anffurfio Organau Cenhedlu Benywod (yr Alban) 2005. Dan Ddeddf 2003, mae unigolyn yn euog o drosedd os yw'n anffurfio rhan neu'r cyfan o organau cenhedlu merch neu fenyw, gan gynnwys cynorthwyo merch i anffurfio ei horganau cenhedlu ei hun neu gynorthwyo rhywun o'r tu allan i'r DU i anffurfio organau cenhedlu merch dramor.

## **Sut all Gorchymyn Amddiffyn rhag FGM fy helpu?**

Gall Gorchymyn Amddiffyn rhag FGM helpu os ydych:

- yn credu eich bod chi mewn perygl o orfod mynd trwy FGM;
- eisoes wedi bod trwy FGM; neu
- yn adnabod rhywun sydd mewn perygl o orfod mynd trwy FGM.

Mae Gorchymynion Amddiffyn rhag FGM yn unigryw i bob achos ac maent yn cynnwys amodau cyfreithiol rwymol a chyfarwyddiadau i'ch amddiffyn chi neu'r unigolyn sydd mewn perygl o orfod mynd trwy FGM. Gall y llys wneud gorchymyn ar frys fel bod camau amddiffyn mewn lle ar unwaith.

Gall y llys wneud Gorchymyn Amddiffyn rhag FGM er mwyn:

- eich amddiffyn chi neu unigolyn arall sydd mewn perygl o orfod mynd trwy FGM; neu
- eich amddiffyn chi neu unigolyn arall sydd wedi bod trwy FGM.

Gellir gwneud ceisiadau am Orchmynion Amddiffyn rhag FGM ar yr un pryd ag ymchwiliad gan yr heddlu, achos troseddol arall neu achos yn y llys teulu. Gall rhywun sy'n anufuddhau i orchymyn llys gael ei anfon i'r carchar am hyd at ddwy flynedd am ddirmyg llys, ond mae torri amodau Gorchymyn Amddiffyn rhag FGM hefyd yn drosedd sydd â dedfryd fwyaf o bum mlynedd yn y carchar.

## **Ble gaf i wneud cais am orchymyn?**

Gellir gwneud cais am Orchymyn Amddiffyn rhag FGM mewn Llys Teulu yng Nghymru a Lloegr. Gallwch wneud cais mewn nifer o ganolfannau llysoedd. Ceir rhestr o ganolfannau llysoedd sy'n delio â'r mathau hyn o geisiadau ar ddiwedd y daflen hon.

## **Pwy all wneud cais am orchymyn?**

- Yr unigolyn sydd i'w amddiffyn gan y gorchymyn
- trydydd parti perthnasol; neu
- unrhyw unigolyn arall gyda chaniatâd y llys.

Rhywun a benodwyd gan yr Arglwydd Ganghellor i wneud ceisiadau ar ran pobl eraill yw Trydydd Parti Perthnasol.

Gall oedolion neu blant (sef rhai dan 18 oed) wneud cais am Orchymyn Amddiffyn rhag FGM. Gall plant gael 'cyfaill agosaf' neu rywun i'w cynorthwyo, ond nid oes rhaid iddynt, os oes ganddynt gynrychiolydd cyfreithiol neu os yw'r llys yn cytuno.

## Os ydych yn pryderu am ddod i'r llys

Ysgrifennwch eich pryderon ar eich ffurflen gais neu gwnewch gais ysgrifenedig i'r Rheolwr Cyflawni yn y Llys cyn gynted â phosib, neu efallai y bydd oedi cyn gwrando'r cais.

Efallai y bydd llysoedd yn gallu cynnig:

- manau aros ar wahân yn y llys;
- mynedfa ac allanfa ar wahân; neu
- lle parcio ar dir y llys i hwyluso mynediad rhwydd i adeilad y llys ar gyfer tystion sy'n cael eu bygwth.

Efallai y bydd cyfleusterau amddiffyn tystion ar gael mewn rhai llysoedd.

## Os ydych yn pryderu am roi tystiolaeth yn yr ystafell llys

Dywedwch wrth y llys beth yw eich pryderon yn eich ffurflen gais. Bydd y llys yn penderfynu beth sy'n briodol a gall orchymyn:

- bod sgriniau'n cael eu gosod i sicrhau nad yw tystion yn gallu gweld yr atebwyr yn y llys (yn y math hwn o achos, yr atebydd/ atebwyr yw'r unigolyn/unigolion yr honnir eu bod yn trefnu gweithred FGM). Rhoddir y sgriniau o amgylch y blwch tystion yn y llys fel na all y tyst weld yr atebwyr, ac ni all yr atebwyr weld y tyst tra byddant yn rhoi tystiolaeth.
- bod tystiolaeth yn cael ei recordio ar fideo. Mae hyn yn caniatáu i gyfweiliad gyda'r tyst, sydd wedi cael ei recordio cyn y gwrandawriad, gael ei ddangos fel prif dystiolaeth y tyst yn ystod

y gwrandawriad, h.y. nid oes rhaid i'r tyst ailddweud beth mae wedi'i ddweud eisoes, ond mae'n rhaid iddynt fod ar gael i gael eu croesholi os bydd angen.

- cyswllt teledu/fideo byw, sy'n caniatáu i'r tyst roi tystiolaeth o'r tu allan i'r ystafell llys. Mae hyn yn caniatáu i dyst roi tystiolaeth drwy gyswllt teledu o ystafell arall yn adeilad y llys neu o adeilad arall. Er nad yw'r tyst yn dod i mewn i'r ystafell llys, bydd y bobl sy'n bresennol yn y llys yn gweld y tyst yn rhoi tystiolaeth ar y monitor teledu.

Y llys sydd i benderfynu beth sy'n briodol, os oes unrhyw beth, ym mhob achos.

Efallai y gall y llys ddarparu'r cyfleusterau ychwanegol hyn:

- Os oes gennych anabledd ac mae angen cymorth neu gyfleusterau arbennig arnoch, cysylltwch â'r llys i gael gwybod pa help sydd ar gael. Darperir rhestr o ganolfannau llysoedd a rhifau ffôn ar ddiwedd y daflen hon.
- Os bydd angen cyfieithydd arnoch, bydd angen i chi roi gwybod i'r llys fel y gellir trefnu bod un yn bresennol, gan nodi'r iaith a'r dafodiaith.

## **Faint fydd y gost?**

Nid oes ffi llys am wneud cais am Orchymyn Amddiffyn rhag FGM ar gyfer chi'ch hun neu ar ran rhywun arall. Yn yr un modd, nid oes ffi llys am unrhyw drefniadau llys ychwanegol sy'n gysylltiedig â'ch achos, megis:

- ceisiadau i amrywio neu ryddhau gorchymyn;

- ceisiadau i'r Llys Teulu ystyried sut y dylid delio â'r unigolyn sydd wedi torri amodau'r gorchymyn; neu
- cais fod beili llys yn cyflwyno'r gorchymyn.

## **Alla'i gael cymorth cyfreithiol?**

Gallwch. Mae cymorth cyfreithiol ar gael pan fyddwch yn cael eich cynrychioli mewn mater Amddiffyn rhag FGM, gan gynnwys traddodi am dorri amodau gorchymyn. Gall gyfreithiwr, neu aelod o un o Ganolfannau'r Gyfraith neu Ganolfan Cyngor ar Bopeth eich cyngori o ran a oes gennych achos rhesymol ai peidio. Gellir cael rhagor o wybodaeth am gymorth cyfreithiol a sut i ganfod cynghorydd cyfreithiol naill ai ar-lein yn [www.gov.uk/legal-aid](http://www.gov.uk/legal-aid) neu drwy ffonio 0854 345 4345 (Dydd Llun i ddydd Gwener, 9am - 6.30pm).

## **Alla'i wneud cais am Orchymyn Amddiffyn rhag FGM fy hun?**

Gallwch, neu gallwch ofyn i gyfreithiwr wneud hyn ar eich rhan. Os ydych yn gwneud cais eich hun, mae'n rhaid i chi fod yn barod i lenwi'r ffurflenni a'r datganiadau perthnasol, ac egluro eich achos i'r llys.

Os bydd angen help arnoch i lenwi'r ffurflenni hyn, ac os nad ydych chi'n adnabod ffrind neu berthynas a allai helpu, dylech fynd i weld cyfreithiwr neu Ganolfan Cyngor ar Bopeth. Gall staff y llys helpu drwy egluro gweithdrefnau'r llys, ond ni allant ddarparu cyngor cyfreithiol ar deilyngdod achosion unigol na rhoi cyngor am y canlyniad posibl.

## **Pa ffurflenni fydd eu hangen arnaf?**

Bydd arnoch angen 'Cais am Orchymyn Amddiffyn rhag Anffurfio Organau Cenhedlu Benywod (FGM) (Ffurflen FGM001)'. Os oes arnoch angen caniatâd y llys i wneud cais ar ran rhywun arall, bydd angen i chi lenwi Ffurflen FGM006 – Cais am ganiatâd i wneud cais am Orchymyn Amddiffyn rhag Anffurfio Organau Cenhedlu Benywaidd (FGM).

Mae'r ffurflenni hyn i gyd yn rhad ac am ddim. Gallwch eu cael o unrhyw un o'r canolfannau llysoedd sy'n delio â cheisiadau am Orchymynion Amddiffyn rhag FGM (ceir rhestr o'r canolfannau llysoedd hyn ar ddiwedd y daflen hon) neu gallwch lwytho'r ffurflenni oddi ar ein gwefan yn [hmctsformfinder.justice.gov.uk](https://hmctsformfinder.justice.gov.uk).

## **Gwneud cais am Orchymyn Amddiffyn rhag FGM**

Os chi yw'r unigolyn sydd i'w amddiffyn gan y gorchymyn neu os ydych yn drydydd parti perthnasol (a ddynodwyd gan yr Arglwydd Ganghellor) dylech lenwi Ffurflen FGM001 – Cais am Orchymyn Amddiffyn rhag Anffurfio Organau Cenhedlu Benywod (FGM). Cewch ragor o fanylion ynghylch sut i lenwi'r ffurflen ar gefn Ffurflen FGM001. Bydd arnoch angen digon o gopiau i'w cyflwyno i'r holl atebwyr a enwir.

Dylai'r cais gynnwys manylion ynghylch sut rydych eisiau i'r llys eich amddiffyn chi neu'r unigolyn sydd mewn perygl o fynd trwy FGM, e.e. i atal rhywun rhag mynd â chi neu'r unigolyn sydd mewn perygl dramor er mwyn cyflawni FGM.

Dylai'r cais gynnwys manylion unrhyw drafodaethau sydd wedi achosi i chi gredu y gallech fod mewn perygl o orfod mynd trwy FGM.



Os nad ydych yn dymuno datgelu eich cyfeiriad neu gyfeiriad unrhyw un a nodwyd yn y ffurflen gais i'r atebwyr, dylech lenwi Ffurflen C8 Cyfeiriad Cyfrinachol. Gallwch gael y ffurflen hon o'r canolfannau llysoedd a restrir yn y daflen hon neu oddi ar ein gwefan yn [hmctsformfinder.justice.gov.uk](http://hmctsformfinder.justice.gov.uk).

Os ydych yn gwneud cais ar ran rhywun sydd i'w amddiffyn, mae'n rhaid i chi lenwi Ffurflen FGM006 - Cais am ganiatâd i wneud cais am Orchymyn Amddiffyn rhag Anffurfio Organau Cenhedlu Benywod (FGM) yn gofyn am ganiatâd y llys i wneud cais am orchymyn.

Bydd angen i chi wneud datganiad, os ydych yn gofyn am i'r cais gael ei wrando heb roi rhybudd i'r atebwyr mewn sefyllfa frys neu mewn argyfwng (gweler isod).

## **Beth ddylwn i ei wneud os oes angen gorchymyn arna'i ar frys?**

Cewch ofyn i'r llys ystyried eich cais ar unwaith a gwneud gorchymyn heb gyflwyno unrhyw ddogfennau i'r atebwyr. Gelwir hyn yn orchymyn ex-parte neu orchymyn heb rybudd.

Os bydd y barnwr yn gwneud gorchymyn heb rybudd, fe gewch apwyntiad arall i ddod i'r llys. Bydd gan yr atebwyr hawl i fod yn bresennol yn yr apwyntiad hwn er mwyn i'r barnwr wrando ar bawb cyn penderfynu a ddylai wneud gorchymyn arall ai peidio.

Os ydych yn gwneud cais am orchymyn heb rybudd, mae'n rhaid i chi wneud datganiad tyst, gan gynnwys datganiad gwirionedd. Os ydych yn cynrychioli chi'ch hun, mae'n rhaid i chi wneud datganiad ysgrifenedig, yn nodi pam mae angen eich amddiffyn, a mynd ag ef i'r llys gyda'ch ffurflen gais FGM001. Dylai datganiad gwirionedd ddweud y canlynol:

[Rwyf yn credu] [Mae'r (ceisydd neu unigolyn perthnasol) yn credu] bod y ffeithiau a nodir yn y [enw'r ddogfen sy'n cael ei chadarnhau] yn wir:

## **Beth ddylwn i ei wneud ar ôl llenwi'r ffurflenni?**

Dylech gyflwyno'r ffurflenni wedi'u cwblhau a darparu copïau i'r llys drwy'r post neu'n bersonol. Gallwch anfon eich cais drwy e-bost hefyd.

## **Beth fydd yn digwydd pan roddaf y ffurflenni i'r llys?**

Bydd y llys yn gwneud yn siŵr bod y ffurflenni'n iawn ac yn rhoi Rhybudd o Achos ar gyfer Gorchymyn Amddiffyn rhag FGM (Ffurflen FGM002) i chi. Bydd hwn yn nodi dyddiad eich apwyntiad gerbron y barnwr.

Mae er eich budd eich hun i fod yn bresennol ar y dyddiad a nodir ar y ffurflen. Dylech fod yn barod i roi unrhyw dystiolaeth yr ydych yn meddwl y bydd yn eich helpu i gyflwyno eich ochr chi o'r achos.

Rhaid cyflwyno'r ffurflen gais (FGM001 neu FGM006) a'r ffurflen Rhybudd o Wrandawriad (FGM002) i'r atebwyr a'r unigolion eraill. Os yw cyfreithiwr yn eich helpu, anfonir y ffurflenni atynt hwy i'w cyflwyno.

Gallwch ofyn i'r llys gyflwyno'r dogfennau ar eich rhan. Mae'n bosib y bydd y llys yn gofyn i chi lenwi ffurflen ar gyfer hyn. Yna, bydd y llys yn trefnu i'r beili gyflwyno copi o'ch cais a dogfennaeth arall.

## **Ceisiadau electronig**

Os ydych yn bwriadu cyflwyno'ch cais drwy e-bost, dim ond un copi o'r cais wedi'i gwblhau y bydd angen i chi ei anfon i'r cyfeiriad e-bost perthnasol sydd yn y gwybodaeth am lysoedd ar ddiwedd y canllawiau hyn.

Mae'n rhaid i'r ffurflen electronig gynnwys llofnod neu enw wedi'i deipio yn y datganiad gwirionedd. Bydd angen i chi gadw eich dogfen wreiddiol wedi'i llofnodi a bydd angen i'r llys weld y ddogfen honno.

Ni fydd ceisiadau a anfonir drwy e-bost ar ôl 4pm yn cael eu prosesu tan y diwrnod gwaith dilynol.

## **Beth ddylwn i ei wneud os byddaf yn cyflwyno'r dogfennau fy hun?**

Rhaid i chi drefnu bod rhywun (e.e. cyflwynydd proses) yn cyflwyno copi o'r ffurflen gais (FGM001 neu FGM006) ynghyd â rhybudd o unrhyw wrandawriad neu apwyntiad cyfarwyddo yn y ffurflen Rhybudd o Achos (FGM002) i'r atebwyr, h.y. yr unigolyn sy'n destun i'r achos (os nad yw'n geisydd), ac unrhyw unigolyn arall sy'n cael ei gyfarwyddo gan y llys yn bersonol ddim llai na 2 ddiwrnod cyn y dyddiad y gwrandewir y cais. Fodd bynnag, gall y llys leihau'r cyfnod hwn.

Ar ôl i'r dogfennau gael eu cyflwyno, dylech gwblhau Datganiad Cyflwyno (Ffurflen FL415) a'i ffeilio yn y llys. Mae Ffurflen FL415 yn nodi pwy y cyflwynwyd y dogfennau iddynt, sut ac ym mhle y rhoddwyd y dogfennau iddynt, ar ba ddiwrnod a faint o'r gloch. Gallwch gael y ffurflen hon o unrhyw un o'r canolfannau llysoedd a restrir yn y daflen hon neu gallwch eu lawrlwytho o'n gwefan: [hmctsformfinder.justice.gov.uk](http://hmctsformfinder.justice.gov.uk)

Os na allwch ddod o hyd i gyfeiriad y rheiny y mae angen cyflwyno iddynt neu os yw'n ymddangos eu bod yn osgoi'r cyflwyno, cewch ofyn i'r llys gyflwyno'r papurau mewn ffordd arall (er enghraifft, yn eu gweithle).

## **Beth fydd yn digwydd yn y gwrandawriad?**

Bydd gwrandawriad cais am Orchymyn Amddiffyn rhag FGM yn cael ei gynnal yn breifat ('yn y siambrau' a ddywedir am hyn fel arfer), oni bai fod y llys yn cyfarwyddo fel arall, a bydd y gwrandawriad yn cael ei gofnodi. Gall y llys ganiatáu i bobl eraill fod yn bresennol yn y llys, er enghraifft, ffrind neu gynghorydd annibynnol, i roi cefnogaeth. Efallai y bydd gofyn i geiswyr roi tystiolaeth lafar yn y llys. Bydd hyd y gwrandawriad yn amrywio, yn ddibynnol ar gymhlethdod yr achos ac a yw'r atebwyr yn gwrthwynebu'r honiadau ai peidio.

Pan fydd y barnwr yn deall safbwynt y ddau barti, gall benderfynu ar unrhyw rai o'r canlynol:

- bod arno angen rhagor o wybodaeth amdano chi, a'r holl atebwyr. Cewch wybod pa wybodaeth ychwanegol i'w darparu;
- bod arno angen rhagor o wybodaeth, ond ei fod yn barod i wneud gorchymyn dros dro ('interim') nes bod yr holl wybodaeth ychwanegol wedi'i darparu. Byddwch yn cael apwyntiad newydd, gorchymyn dros dro, a dywedir wrthy ch pa wybodaeth ychwanegol i'w darparu.
- ei fod yn barod i wneud gorchymyn am gyfnod penodol, ac y bydd y llys yn ailystyried yr achos ar ôl hynny. Byddwch yn cael dyddiad apwyntiad newydd a chopi o'r gorchymyn llys; neu

- ei fod yn barod i wneud gorchymyn. Gall y llys wneud gorchymyn am gyfnod penodol neu gallai'r gorchymyn barhau am gyfnod amhenodol nes y caiff ei amrywio neu ei ryddhau gennych chi, yr atebwyr neu'r llys ei hun. Rhoddir copi o'r gorchymyn i chi.

## **Beth fydd yn digwydd ar ôl y gwrandawriad?**

Os yw'r llys wedi gwneud Gorchymyn Amddiffyn rhag FGM, bydd y ceisydd yn cyflwyno copi o'r gorchymyn ac unrhyw ddogfennau llys eraill i'r atebwyr, i'r unigolyn sy'n destun i'r achosion (os nad yw'n geisydd), ac unrhyw un arall a enwir yn y gorchymyn yn bersonol cyn gynted ag sy'n rhesymol bosibl. Gallwch ofyn i'r llys gyflwyno'r dogfennau ar eich rhan (gweler uchod).

Mae'n rhaid i chi hefyd gyflwyno'r gorchymyn i'r heddlu, ynghyd â datganiad yn nodi bod y gorchymyn wedi'i gyflwyno i'r atebwyr ac unrhyw un arall a gyfarwyddwyd gan y llys neu eu bod wedi cael gwybod am ei delerau. Dylai'r gorchymyn a'r datganiad gael eu danfon i'r orsaf heddlu sy'n gwasanaethu cyfeiriad yr unigolyn a amddiffynnir gan y gorchymyn, oni bai bod y llys yn nodi gorsaf heddlu arall. Gallwch ofyn i'r llys gyflwyno'r dogfennau ar eich rhan (gweler uchod).

## **Beth os wyf eisiau amrywio, ymestyn neu derfynu'r gorchymyn?**

Gallwch wneud cais i amrywio, ymestyn neu ryddhau gorchymyn amddiffyn rhag FGM yn ddiweddarach. Bydd angen i chi lenwi Ffurflen **FGM003 - Cais i amrywio, ymestyn neu ryddhau Gorchymyn Amddiffyn rhag Anffurfio Organau Cenhedlu Benywod (FGM)**.

## Beth os na fydd yr atebydd yn ufuddhau i'r gorchymyn?

Gellir delio ag achos o dorri amodau gorchymyn amddiffyn rhag FGM yn y Llys Teulu neu drwy erlyn mewn llys troseddol.

Dan baragraff 7(1) Rhan 1 o Atodlen 2 i Ddeddf Anffurfio Organau Cenhedlu 2003, gallwch wneud cais i'r Llys Teulu i gael ymdrin â'r tor-amod fel dirmyg llys a gwneud cais i'r Llys Teulu am warant arestio. Rhaid i'r cais am warant arestio gael ei gefnogi gan ddatganiad yn nodi sut y torrwyd amodau'r gorchymyn neu'r ymgymeriad. Rhaid gwneud y cais ar **Ffurflen FGM005 – Warant Arestio – Gorchmynion Amddiffyn rhag Anffurfio Organau Cenhedlu Benywod (FGM)**.

Pan fydd llys teulu'n dyfarnu bod unigolyn wedi torri amodau'r gorchymyn, bydd y llys yn delio gyda nhw dan ei bwerau dirmyg llys, a all gynnwys eu hanfon i'r carchar am hyd at ddwy flynedd.

Fel arall, gellir rhoi gwybod yn uniongyrchol i'r heddlu am achosion honedig o dorri amodau Gorchmynion Amddiffyn rhag FGM, a gall yr heddlu arestio'r sawl sydd dan amheuaeth o dorri amodau'r gorchymyn. Ar ôl i'r heddlu ymchwilio i'r tor-amod, bydd Gwasanaeth Erlyn y Goron yn penderfynu a ddylid bwrw ymlaen â'r erlyn drwy ddilyn y prawf dau-gam yn y Cod i Erlynwyr y Goron: a oes digon o dystiolaeth i roi posibilrwydd realistig o euogfarn ac, os felly, a yw erlyn er budd y cyhoedd. Y gosb fwyaf am dorri amodau Gorchymyn Amddiffyn rhag FGM yw pum mlynedd o garchar.

Os bydd Gwasanaeth Erlyn y Goron yn penderfynu peidio ag erlyn am ba bynnag reswm, mae caniatâd o hyd i chi wneud cais i'r Llys Teulu am warant arestio am ddirmyg llys fel y nodir uchod.

Fodd bynnag, os bydd rhywun yn cael ei ddyfarnu'n euog o'r tor-mod mewn llys troseddol, ni ellir eu cosbi am ddirmyg llys na'r ffordd arall.

Am ragor o wybodaeth am sefydliadau a gwasanaethau lleol sy'n gallu rhoi cyngor i chi, ewch i'r wefan hon:

**[www.gov.uk/female-genital-mutilation](http://www.gov.uk/female-genital-mutilation)**

neu

Am ragor o wybodaeth a chyngor ar wasanaethau lleol sydd ar gael, gallwch ffonio **llinell gymorth FGM yr NSPCC**, ar **0800 028 3550**, 24 awr y dydd, neu anfon neges e-bost i **[fgmhelp@nspcc.org.uk](mailto:fgmhelp@nspcc.org.uk)**

## **Rhestr o ganolfannau llysoedd lle gellir gwneud cais am Orchymyn Amddiffyn rhag FGM**

Y Llys Teulu sy'n delio â cheisiadau am Orchymynion Amddiffyn rhag FGM. Dylid anfon cais i'r Llys Teulu yn eistedd yn un o'r canolfannau llysoedd isod. Mae'r canolfannau llysoedd hyn fel arfer ar agor o ddydd Llun i ddydd Gwener rhwng 10am a 4pm. Mae gwasanaethau cownter ar gael o 10am tan 2pm, ond mewn rhai canolfannau rhaid gwneud apwyntiad. Dywedwch wrth y Llys pan fyddwch yn cyrraedd fod eich mater yn un brys.

---

<b>Canolfan</b>	Priory Courts
<b>Cyfiawnder Sifil a</b>	33 Bull Street
<b>Theulu Birmingham</b>	Birmingham
	Gorllewin Canolbarth Lloegr
	Lloegr
	B4 6DSS

**Ffôn:** 0300 123 1751

**Ebost:**

[family@birmingham.countycourt.gsi.gov.uk](mailto:family@birmingham.countycourt.gsi.gov.uk)

**neu**

[e-filing@birmingham.countycourt.gsi.gov.uk](mailto:e-filing@birmingham.countycourt.gsi.gov.uk)

---



<b>Llys Cyfun Bradford</b>	Exchange Square Drake Street Bradford Gorllewin Swydd Efrog Lloegr BD1 1JA  <b>Ffôn:</b> 01274 840274  <b>E-bost:</b> family@bradford.countycourt.gsi.gov.uk  <b>neu</b>  e-filing@bradford.countycourt.gsi.gov.uk
<b>Canolfan Gwrandawiadau Llys Teulu Brighton</b>	1 Edward Street Brighton Dwyrain Sussex Lloegr BN2 0JD  <b>Ffôn:</b> 01273 811 333  <b>E-bost:</b> sussexfamily@hmcts.gsi.gov.uk
<b>Canolfan Cyfiawnder Sifil a Theulu Bryste</b>	2 Redcliff Street Bryste Lloegr BS1 6GR  <b>Ffôn:</b> 0117 366 4880  <b>E-bost:</b> family@bristol.countycourt.gsi.gov.uk

---

**Canolfan  
Cyfiawnder Sifil a  
Theulu Caerdydd**

2 Stryd y Parc  
Caerdydd  
De Cymru CF10 1ET

**Ffôn:** 029 2037 6400

**E-bost:** [enquiries@cardiff.countycourt.gsi.gov.uk](mailto:enquiries@cardiff.countycourt.gsi.gov.uk)

---

**Y Llys Teulu  
Canolog**

First Avenue House  
42-49 High Holborn  
Llundain  
Lloegr  
WC1V 6NP

**Ffôn:** 020 7421 8594

**E-bost:** [cfc.privatelaw@hmcts.gsi.gov.uk](mailto:cfc.privatelaw@hmcts.gsi.gov.uk)

---

**Llys Cyfun Derby**

Morledge  
Derby  
Derbyshire  
Lloegr DE1 2XE

**Ffôn:** 01332 622600

**E-bost:** [family@derby.countycourt.gsi.gov.uk](mailto:family@derby.countycourt.gsi.gov.uk)

---

**Llys Teulu Dwyrain  
Llundain**

6th and 7th Floor  
11 Westferry Circus  
Llundain  
Lloegr E14 4HD

**Ffôn:** 020 3197 2886

**Ebost:**  
[eastlondonfamilyenquiries@hmcts.gsi.gov.uk](mailto:eastlondonfamilyenquiries@hmcts.gsi.gov.uk)

---

---

**Llys Cyfun Leeds**

The Court House  
1 Oxford Row  
Leeds  
Gorllewin Swydd Efrog  
Lloegr LS1 3BG

**Ffôn:** 0113 306 2800

**Ebost:**

leedsdfcprivatelawgeneralenquiries@hmcts.gsi.gov.uk

**or**

leedspubliclawissue@hmcts.gsi.gov.uk

---

**Llys Sirol a Llys  
Teulu Caerlŷr**

90 Wellington Street  
Caerlŷr  
Swydd Gaerlŷr  
Lloegr LE1 6HG

**Ffôn:** 0116 222 5700

**Ebost:** family@leicester.countycourt.gsi.gov.uk

---

**Canolfan  
Gwrandawiadau  
Llys Sifil a Theulu  
Lerpwl**

35 Vernon Street  
Lerpwl  
Glannau Mersi  
Lloegr L2 2BX

**Ffôn:** 0151 296 2607

**Ebost:** family@liverpool.countycourt.gsi.gov.uk

---

---

**Llys Sirol a Llys  
Teulu Luton**

2nd Floor Cresta House  
Alma Street  
Luton  
Swydd Bedford  
Lloegr  
LU1 2PU

**Ffôn:** 0300 123 5577

**Ebost:** [enquiries@luton.countycourt.gsi.gov.uk](mailto:enquiries@luton.countycourt.gsi.gov.uk)

---

**Llys Sirol a Llys  
Teulu Manceinion**

1 Bridge Street West  
Manceinion  
Manceinion Fwyaf  
Lloegr M60 9DJ

**Ffôn:** 0161 240 5420

**Ebost:**

[familyapplications.manchester@hmcts.gsi.gov.uk](mailto:familyapplications.manchester@hmcts.gsi.gov.uk)

---

**Canolfan Llysoedd  
Cyfun Newcastle  
upon Tyne**

The Quayside  
Newcastle-upon-Tyne  
Tyne & Wear  
Lloegr NE1 3LA

**Ffôn:** 0191 201 2000

**Ebost:**

[COPNewcastle@newcastle.countycourt.gsi.gov.uk](mailto:COPNewcastle@newcastle.countycourt.gsi.gov.uk)

---

---

**Llys Cyfun  
a Chanolfan  
Gwrandawiadau  
Teulu Norwich**

Bishopgate  
Norwich  
Norfolk  
Lloegr NR3 1UR

**Ffôn:** 0344 892 4000

**Ebost:** family@norwich.countycourt.gsi.gov.uk  
**neu**

e-filing@norwich.countycourt.gsi.gov.uk

---

**Llys Cyfun  
a Chanolfan  
Gwrandawiadau  
Llys Teulu  
Rhydychen**

St Aldates  
Rhydychen  
Swydd Rydychen  
Lloegr OX1 1TL

**Ffôn:** 01865 264 200

**Ebost:** family@oxford.countycourt.gsi.gov.uk

---

**Llys Cyfun  
Plymouth**

10 Armada Way  
Plymouth  
Dyfnaint  
Lloegr PL1 2ER

**Ffôn:** 01752 677 400

**Ebost:**  
family@plymouth.countycourt.gsi.gov.uk

---

---

**Canolfan Llysoedd  
Cyfun Pourtsmouth** Winston Churchill Avenue  
Portsmouth  
Hampshire  
Lloegr PO1 2EB

**Ffôn:** 02392 893 000

**Ebost:**  
family@portsmouth.countycourt.gsi.gov.uk

---

**Llys Teulu Preston** Sessions House  
Lancaster Road  
Preston  
Sir Gaerhurfryn  
Lloegr PR1 2PD

**Ffôn:** 01772 844 700

**Ebost:** prestonSFCissue@hmcts.gsi.gov.uk

---

**Canolfan  
Gwrandawiadau  
Llys Teulu a Llys  
Sirol Reading** 160-163 Friar Street  
Reading  
Berkshire  
England RG1 1HE

**Ffôn:** 0118 987 0500

**Ebost:** family@reading.countycourt.gsi.gov.uk

---

---

**Canolfan Llysoedd  
Cyfun Sheffield**

50 West Bar  
Sheffield  
De Swydd Efrog  
Lloegr S3 8PH

**Ffôn:** 0114 2812400

**Ebost:** [family@sheffield.countycourt.gsi.gov.uk](mailto:family@sheffield.countycourt.gsi.gov.uk)

---

**Llys Cyfun Teeside**

Russell Street  
Middlesbrough  
Cleveland  
Lloegr TS1 2AE

**Ffôn:** 01642 340 000

**Ebost:**

[family@middlesbrough.countycourt.gsi.gov.uk](mailto:family@middlesbrough.countycourt.gsi.gov.uk)

---

**Llys Teulu Gorllewin  
Llundain**

Gloucester House  
4 Dukes Green Avenue  
Feltham  
Middlesex  
Lloegr TW14 0LR

**Ffôn:** 020 8831 3500

**Ebost:**

[westlondonfamilyenquiries@hmcts.gsi.gov.uk](mailto:westlondonfamilyenquiries@hmcts.gsi.gov.uk)

---

